

**Date:** 7 September 1565

**REF:** GD112/39/4/21

**Place:** Glen Falloch

**From:** Archibald Campbell, 5th Earl of Argyll

**To:** Colin Campbell of Glenorchy

**Address:** To our traist cousing ye Laird of Glenvrchay

Cousing efter hartlie commendatioun. We resavit zour writing quhairby we wnderstand zour guid will and mynd and is weray glaid yairof as we war of befoir. As for Makgregor he hes met ws yis day in Glenfallache quhome we hoip shortlie sall declair his guid mynd towartis zow and ws be his guid service. Nochtwithstanding he hes nocht hidderto spokin with Makgregor of Roro and Clandonche Lewenache and yairfoir can nocht assuir for yame bot within sex dayis we sall mak zow advertisment quhat salbe done yairin. And in ye mein tyme ze sall nocht pershew ye said Makgregor of Roro or ye said Clandonche Lewenache bot keip zour awin skaythles. And for Makgregor and his breder we assuir zow of our honor yat thay sall nowyir wit of zour skayth nor be at ye doing of it. Meirour ze sall wit yat we ar returnit hame and was in Mentethe agetwartis to ye Lawland and becaus ye Lordis war in Drumfreis abyding vpoun help out of Ingland we procedit na fardar as is alleget bot returnit hame till our awin cuntre quhair we will remane quhill qll (sic) new advertisment. And so committis zow to God. Frome Glenfallache the vij day of September 1565.

Zouris

A[rchibald Ergyll]